

CANTIC

EN INOUR

DE SANT EVEN

TON ANAUET.

1

Setu ni oll stouiet hur penn
Dirac hou limach, Sant Even ;
Berpet guenomp-ni, Bretonet,
Hou hanhue vou inouret.

DISCAN.

O Sant Even, cheleuet-ni,
Guet carante ni hou suppli :
Groeit d'emb dre hou sicour nerhus,
El deh bout fidel de Jésus.

2

Iaouanc poé laret kenavo,
D'er bed ha d'he dromplus joëio,
Nitra d'hou calon ne blije,
Nameit servij en Eutru Doué.

Caër el en hiaul e creis en dé,
 Hou santeleah e luguerne,
 Quement m'en dès er véléan,
 Hou choéset de batron quetan.

Pihue larei en obereu mad,
 E poé groeit endro doh dalhmad ?
 Nan muoh n'en dehe quet groeit,
 Un el ag en nean dischennet.

Nag eürusset en diou barres,
 A Lohanec hag a Dredrez !
 Enoh, Sant Even d'oé cavet
 Er guellan ag er Bastoret.

A dost, a bell-bro pep miser,
 O vont davedoh e hueler :
 En oll ouié dor er person,
 Quen franc digor el he galon.

Hou prassan hoant e ce guelet,
 Er justis e rênein er bed :
 Aveit er peur en amzivad,
 E reh offis en advocad.

Pe huêhe er gassoni méhus,
 Hi c'hontamm cri ha malheurus,
 Predeg e ret en trugaré,
 En union vad, er garanté.

Tud peur à Briziac, e larer,
 Guenoh ho doe bet diguemer,
 En hun parres n'e quet collet
 Er sonch ag er peh e poe groeit.

Ur chapellic oé bet savet,
 Didan hou hanhue benniguet,
 Ha guenomp-ni e pep amzer,
 Hui zo bet patron ur c'harter.

Testoni nehué hun gratvad,
 Bermen dirac en daoulegad,
 E splann un Ilis caër, ihuel,
 Er plaç man œ quent hou chapel.

Ni venn e vê cresquet hou cloër,
 Plijet hun peden diguemer :
 Allumet en hur haloneu,
 En tan-flamm ag hou verteuieu.

E creis hum trebil, hun anquin,
 Groeit me vihuemp mat bet er fin,
 Me hiemp d'en nean guenoh un dé,
 De huelet ha de velein Doué.

Ha drest d'er reral ar en doar,
 M'ar hes un inean ag hou car,
 Groeit, Sant Even, groeit aveithi,
 Ur vuhé lan e zoussoni.

IMPRIMATUR,

Vannes, le 25 avril 1882,

LE GUYADER,

VIC.-GÉN.